



**Republika e Kosovës**  
**Republika Kosova- Kosova Cumhuriyeti**



**Komuna e Prizrenit**  
**Opština Prizren – Prizren Belediyesi**

---

## **Kuvendi i Komunës së Prizrenit** **Komiteti për Komunitete**

### **RAPORTI I PUNËS PËR VITIN 2024**

**Periudha Janar – Dhjetor 2024**

## HYRJE

Kuvendi i Komunës është organi më i lartë i komunës i përbërë nga anëtarët e tij të cilët zgjedhen drejtpërdrejt nga qytetarët dhe udhëhiqen nga kryesuesi i cili zgjedhet me shumicë votash nga anëtarët e Kuvendit të Komunës.

Kuvendi i Komunës ka nevojë për organe ndihmëse me qëllim të shqyrtimit të hollësishëm të politikave, dokumenteve strategjike, vendimeve dhe rregulloreve të komunës, nga njëra anë, si dhe me qëllim të mbikëqyrjes së veprimtarive të degës ekzekutive, në anën tjetër. Andaj, Kuvendi i Komunës themelon komitete të posaçme të cilat e ndihmojnë atë në përmbushjen e këtyre obligimeve dhe ushtrimin e këtyre kompetencave:

**Komitetet obligative** – Kuvendi i Komunës është i obliguar që të themelojë dy komitete obligative:

**a) Komitetin për Politikë dhe Financa; dhe**

**b) Komitetin për Komunitete.**

**a. Komiteti për Politikë dhe Financa** konsiderohet si organi kryesor i Kuvendit të Komunës, i cili shqyrton paraprakisht pothuajse të gjitha çështjet që parashihen të shqyrtohen në Kuvendin e Komunës.

**b. Komiteti për Komunitete** – është komiteti i dytë obligativ i Kuvendit të Komunës detyrë e të cilit është:

- 1) Shqyrtimi i përputhshmërisë së autoriteteve komunale me ligjin në zbatim.
- 2) Shqyrtimi i të gjitha politikave komunale, praktikave dhe aktiviteteve për t'u siguruar se respektohen plotësisht të drejtat dhe interesat e komuniteteve.
- 3) I rekomandon Kuvendit të Komunës masat që duhet të ndërmerren për të siguruar jetësimin e dispozitave që kanë të bëjnë me nevojën e komuniteteve për të avancuar, shprehur, mbrojtur dhe zhvilluar identitetin e tyre etnik, kulturor, fetar dhe gjuhësor, si dhe për të siguruar mbrojtje adekuate të të drejtave të komuniteteve brenda komunës.

*Gjatë themelimit të Komitetit për Komunitete duhet të sigurohet që:*

1) Çdo komunitet që jeton në komunë të ketë të paktën një përfaqësues në Komitetin për Komunitete.

2) Shumica e anëtarëve të Komitetit për Komunitete njëherësh të jenë përfaqësues të komuniteteve të cilat jetojnë në komunë.

Me datën 27 Janar 2022 është marrë Vendimi për themelimin dhe emërimin e anëtarëve e Komunitetit për Komunitete në Kuvendin e Komunës së Prizrenit. Me këtë vendim themelohet Komiteti për Komunitete në përbërje prej pesëmbëdhjetë (15) anëtarëve.

Anëtarët e Komitetit për Komunitete janë:

- 1 Admir Alilji - Boshnjak
- 2 Agim Muqaj - Shqiptar
- 3 Elvira Gorani - Gorane
- 4 Drita Qenaj – Shqiptare
- 5 Ertan Simitçi - Turk
- 6 Gani Elshani - Ashkalli
- 7 Hysnije Berisha – Egjiptian
- 8 Shyret Hoxhaj – Rome
- 9 Marin Përgjokaj – Shqiptar
- 10 Merdžan Osmani – Boshnjak
- 11 Mimoza Bushrani – Shqiptar
- 12 Sead Arifi – Boshnjak
- 13 Sevil Kazazi – Turk
- 14 Shukrije Berisha – Shqiptare
- 15 Tihomir Stojanović – Sërb

## **I.     **AKTIVITETET****

### **1. 25 Janar 2024 – Mbledhja XXIII**

a. Shqyrtimi dhe aprovimi i raportit të punës për vitin 2023 të Komitetit për Komunitete, i cili raport do të prezantohet në Kuvendin e Komunës së Prizrenit.

b. Shqyrtimi dhe aprovimi i planit të punës të KpK-së, për vitin 2024.

### **2. 23 Shkurt 2024 - XXIV**

a. Informim dhe shkëmbim të përvojës së punës mes Komiteteve për Komunitete të komunave Prizren dhe Gjakovë; të cilën kryesuesi i Komitetit për Komunitete pranë Kuvendit të Komunës së Gjakovës, z. Ergit Qeli do të jetë prezent,

b. Informim rreth punës së Zyrës për Komunitete dhe Kthim për vitin 2023; të cilën Drejtoresha e ZpKK znj. Derya Kazaz Kala do të jetë prezent.

### **3. 21 Mars 2024 – XXV**

a. Vizit në Shkollën e Mesme Ekonomike “Ymer Prizreni” në Prizren

b. Vizit në Shkollën e Mesme e Mjekësisë “Luciano Motroni” në Prizren

### **4. 29 Prill 2024 - XXVI**

a. Informim dhe diskutim rreth procesit të Regjistrimit të Popullsisë, Ekonomive Familjare dhe Banesave 2024, ku prezent do të jenë përfaqësuesit të komunës-anetaret të Komisionit Komunal.

### **5. 29 Maj 2024 - XXVII**

a. Shqyrtimi i Rregullorës për Ndryshimin dhe Plotësimin e Rregullorës nr.01/011-3250 dt. 08.03.2012 për përdorimin e gjuhëve në Komunen e Prizrenit.

### **6. 28 Qershor 2024 - XXVIII**

a. Vizita në qendrat dhe objektet shëndetësore pranë Komunës së Prizrenit siç janë: QKMF,

AMF dhe qendrat tjera shëndetësore, me qëlim për të monitorohet puna dhe angazhimi i menaxhmentit dhe stafit.

#### **7. 25 Korrik 2024 - XXIX**

a. Raporti dhe diskutimi i punës së Drejtorisë për Punë dhe Mireqenie Sociale, present do të jetë drejtori z. Rasim Demiri,

#### **8. 29 Gusht (e enjte) 2024 - XXX**

a. Diskutim rreth Kornizës Afatmesme Buxhetore të vitit 2025-2027 dhe diskutim rreth Buxhetit për vitin 2025 të Komunës së Prizrenit, në këtë mbledhje do të jetë present zëvendës kryetari z. Kujtim Gashi dhe përfaqësuesi i Drejtorisë për Buxhet dhe Financa.

b. Kërkesat dhe propozimet rreth projekte

#### **9. 01 Tetor 2024 - XXXI**

a. Presentimi i raportit të punës për periudhën Janar – Qershor të vitit 2024 të Zyrës për Komunitete dhe Kthim (ZKKK)

b. Rekomandim për plotësim/ndryshim të vendimit të datës 27 Janar 2022 të Kuvendit të Komunës së Prizrenit, lidhur me themelimin dhe emërimin e anëtarëve të Komitetit për Komunitete për mandatin 2021-2025.

#### **10. 06 Nentor 2024 – XXXII**

a. Vizitë në disa shkolla parafillore, fillore dhe të mesme në Komunën e Prizrenit.

b. Takim me drejtoret të shkollave në Prizren për të diskutuar rreth aktivitete.

## II. SFIDAT DHE ÇËSHTJET TË NGRITURA NË MBLEDHJET E KOMITETIT

Komiteti për Komunitete është përgjegjës për shqyrtimin e përputhshmërisë së autoriteteve komunale me ligjin në zbatim dhe për shqyrtimin e të gjitha politikave komunale, praktikave dhe aktiviteteve për t'u siguruar se të drejtat dhe interesat e komuniteteve respektohen plotësisht.

Komiteti për Komunitete gjithashtu i rekomandon kuvendit dhe kryetarit të komunës për masat që duhet të ndërmerren për të siguruar që të mbrohen të drejtat e komuniteteve brenda komunës. Komiteti për Komunitete, është përgjegjës për të trajtuar çfarëdo çështje që ka të bëjë me komunitetin jo shumicë.

Si shembull:

1. Qasja në punësim,
2. Qasja në arsimim,
3. Qasja në gjuhë,
4. Qasja në shërbime komunale etj.

Komiteti për Komunitete, është organ legjislativ i cili mund të zbatojë mandatin e vet vetëm në bashkëpunim me organet legjislative dhe me mbështetjen e ekzekutivit si dhe me mekanizmat tjera pjesëmarrëse të komunitetit që janë në dispozicion në nivel lokal (p.sh. ZKKK). Komiteti për Komunitete, në këtë mandat ka hasur disa probleme lidhur me moszbatimin e ligjeve në fuqi.

- Komunitetet përballen gjithashtu me barriera të ndryshme të **punësimit në vende publike** – në nivel komunal. Situata aktuale e punësimit nuk dihet saktësisht për arsye sepse mungojnë të dhëna të përditësuara/zyrtare.
- Komuniteti Boshnjak dhe Turk, ndihen diskriminuar nga pikëpamja e aksesit në **përdorimin e gjuhëve të zyrtare**. Gjithashtu, ekziston mungesa e kapaciteteve të brendshme për të adresuar rregullisht çështjet lidhur me zbatimin e [Ligjit Nr. 02/L-37 për Përdorimin e Gjuhëve](#).
- Çështja e nënkryetarit për komunitete në Prizren, mbetet si një çështje pa përfunduar.
- Ligji NR. 03/L-047 për Mbrojtjen dhe Promovimin e të Drejtave të Komuniteteve dhe Pjesëtarëve të Tyre në Republikën e Kosovë, komunitetet janë njohur zyrtarisht si komunitet jo shumicë. Përfaqësimi, promovimi dhe njohja e identitetit të komuniteteve jo shumicë si pjesë përbërëse e shoqërisë, has vështirësi të natyrave të ndryshme. psh:

- punësimi i ulët i komuniteteve pranë institucione komunale dhe ndërrmarje komunale;
- pjesëmarrja e ulët në komisione komunale;
- përfaqësimi i ulët në shkollat në pozicionin drejtor, zv. drejtor, sekretar;
- mospërkthimi i dokumenteve zyrtare dhe mospublikimi i tyre sipas afateve ligjore;
- Përqindja e ulët të planifikimit të buxhetit për komunitete jo shumicë;

***Synimet dhe Veprimet në të ardhmen:***

- Implementimi dhe zbatimi i ligjislacionit,
- Përmbushja e objektivave dhe projekteve të KAB-it 2025-2027,
- Ngritja e kapaciteteve zyrtarëve, për përdorimin e gjuhëve zyrtare,
- Përmirësimi i mëtejshëm i cilësisë së shërbimeve për qytetarët/komunitetet.
- Mbështetja e projekteve të ndryshme sipas kërkesës së zyrës për Komunitete dhe Khthim,

### **III. PËRFUNDIM**

Në vitin 2024 janë realizuar 11 mbledhje duke respektuar planin e punës. Pjesëmarrja e anëtarëve në mbledhje ka qenë mbi 80%. Të gjitha mbledhjet janë realizuar në sallën e kuvendit të komunës së Prizrenit si dhe të gjitha mediat lokale, institucionet ndërkombëtare, shoqëria civile dhe përfaqësuesit e komuniteteve kanë qenë të ftuar dhe kanë marrë pjesë në mbledhjet e komitetit.

*Ky raport është përgatitur sipas kërkesës së Kryesuesesës së Kuvendit të Komunës së Prizrenit, me qëllim të raportohet në kuvendin e komunës.*

Janar 2025

Ertan Simitçi  
Kryesuesi i Komitetit për Komunitete  
Kuvendi Komunës së Prizrenit